

AD

1010. a. 10
3

SEVERINVM

BINNIVM LOVANI-
ENSEM THEOLOGVM,

EPISTOLA COMMONITORIA

SVPER CONCILIORVM GENE-

RALIVM EDITIONE AB IPSO

NVPER ADORNATA.

Per quendam Theologiæ candidatum ex
Magna Britannia.

Si amicus Bellarminus; amicus Binnius, magis
amica veritas.



Londini Impensis. MDCXXIIII.



SEVERINO BINNIO

Pontificio Theologo.

Salutem ab Authore salutis.



Ndefessos labores & lucubrationes tuas, in Concilio-
rum editionem insumptas (*Doctissime Binni*) non est
inter nos cordatus quisquam, & antiquitatis Eccle-
siasticæ studiosus, qui non summopere, idque summa
cum tua laude, comprobet. Quorum quidem nume-
ro, nomen ego meum, lubens adscribo: ita tamen ut
ea me libertate non exuam, quam dicat conscien-
tia, resque ipsa hic postulat: Haud itaque grauate feres (ita spero ac mi-
hi spondeo, immo scio,) si pro officio humanitatis, multoque magis,
pro fraterna charitate, & Christianæ veritatis amore de paucis te libe-
rius admoneam, aut (si mauis) familiarius consulam.

Diligentia, varia lectio, doctrina multiplex, necnon in multis, fide-
listua, admodum elucent, meritoque laudantur: In aliquibus tamen
(Ignosce *αλαδύοι*: n imo agnosce) sinceritas candor, & veritatem stabili-
endi; potius quam hominibus placendi studium desiderantur.

Primo igitur, bone vir, ac grauissime Theologe, rogandus es quo iure,
qua conscientia, saltem qua autoritate, in hac tua vltima (ideoque ac-
curatissima) editione, plane omittis (eoque, quantum in te est plene: ex-
tinctos velis) integros tractatus in antiquioribus (& tamen vestris)
suis locis insertos.

1 *Consilium delectorū Cardinalium*, & aliorū prælatorum de emendanda
Ecclesia ante 80 fere annos, à nouē viris illis magni nominis Cardinali-
bus, aliisq; vestræ Cōmunionis viris reuerēdis, & ab ipso Papā Paulo 3.
deputatis (ipsoque iubente) conscriptum: de quo non *Espenceus* tantum
vester mentionem facit honorificam sed & ipse libellus in tertio tomo
Conciliorum per *Pet. Crab.* editionis *Colon.* 1551. habetur integer.

2 *Opusculum tripartitum* ante 400. prope annos conscriptum & per
Pet. Crab. in secundo suo tomo circa tempora *Innocentij* 3. collocatum:
vbi etiam hoc elogio decoratur: *Salutaria multa & Ecclesia utilia: & ad
Synodos facientia comprehendit.* Vbi etiam dubitatur, an vnus alicuius

*Espenceus in
Tit. c. 1.*

docti, an potius alicuius Synodi opus sit : prodiit autem non ex aliqua suspecta Bibliotheca, sed ad maiorem fidem, ex ipso Archetypo, ipsius *Petri Crab*, manu, exaratum & transcriptum erat illud exemplar.

3. Epistolam *Leodiensium* ad Paschalem Papam ante annos fere 500 scriptam, & in priori eadem editione, in secundo etiam tomo repositam.

Hæc tria tantum attingo, non quod non sint plura à te omissa : sed cum hæc sint præcipua, numerus trium testium satis idoneus est.

Hofius in Ep.
ad Sra. Ori-
chodium.

Si respondeas illam *Crabbianam* editionem, pro Catholica & legitima à te non probari : respondebunt tibi pro me, *Possennius*, *Bellarminus*, qui eandem recipiunt, & præter alios *Hofius* Cardinalis, qui eandem progenuinâ & Catholicâ Conciliorum editione agnoscit.

Si dicas editiones *Surianam*, & *Venetam*, eosdem tractatus, non habere, quas, & tu secutus eras : Agnosco certe & *Surium* & *Nicolinum*, eodem morbo tecum laborare : interim te non latet vel ipsi *Possenuino*, Iesuitæ, admodum displicere, huiusmodi tractatum, in illorum editionibus omissionem.

Possenuin Ap.
Sac. Tom. I.
verbo. Concil.

Atqui (inquit) cum in hac editione sustulissent, aliquot opuscula, quæ in alia editione fuerant, &c. & vnum istorum nominat, id incommode accidit, &c.

In Admonitione
ad lectorem.

Ibidem.

Si id incommode cecidit my *Binni*, cur tu malum illud, & vel Iesuita teste, incommodum, non sustulisti? Cum enim tu ultimus omnium, hoc opus aggressus sis te certe decuisset, non priorum errantibus, aut claudicantibus vestigiis instituisse, sed eorum potius lacunas supplere, errores correxisse, & siquid ignorantia aut malitia, furto vel fraude, amore erroris, siue errore amoris, sublatum & detractum esset, restituisset, & in locum proprium, reposuisset : Edoctum præsertim, de hoc furto, & priorum editionum mutilatione admonitum, ab ipso *Possenuino* quem tu vnum ais ex illis quatuor, quibus, (doctissimis quippe, & (tua sunt verba) absolutissimis *Theologis*, magnam tuorum laborum partem, deberi libenter agnoscis : Maxime cum tu ipse pro candore tuo libere profitearis, *Post Conciliorum per Pet. Crab. & Surium compilationes, te hanc nouissimam editionem,*) *sublatis mendis plurimis emissurum*. Audi quæso, Cathedrate Doctor, audi vel in aurem alterum (inter nos subloquor :) Annon integros tractatus suppressere, & clam surripere, tibi pro mendo habetur? at hoc perpetrarunt priores scilicet nonnullæ editiones : *Venetam* (fateor) editionem solummodo, eo nomine inculsat *Possennius*, at vero, & *Suriana*, eodem pede claudicat : Hoc igitur quod vel ipsi Iesuitæ pro vitio reputant, & correctum velint, tu qui ultimam manum admoues, & menda sublaturum polliceris,

liceris, non tamen restitues? Imo (quod multo peius) candor & sinceritas *Petri Crabb*, qui eos omnes tractatus habet, tibi ut videtur mendum, & emendandum: At furtiva *Nicolini Surijsque*, & vel Iesuitis testibus, incommoda, & iniusta, integrorum tractatuum surreptio toleranda, laudanda, imitanda: Peccavit *Crabb* qui posuit, non *Surijs*, qui surripuit? Hoc certe est authores non tam emaculare quam emasculare: Sic enim de te clamitant nostri nec immerito.

Ego autem qui multa in te diligo, licet vultu tenus ignoto, libenter te excusarem: Quam percupio, ac gestio, aduocati partes agere? Dico itaque: *Binnius* meus, *Crabbianam* editionem, non vidit, nec curauit, sed *Surianam*, utpote recentiore & perfectiore, sequutus est. Verum tu ipse, mihi os obstruxisti, cum te non *Surianam* solum, sed & *Crabbianam* vidisse, & sequutum fuisse fatearis.

Quid igitur pro te respondeam vix occurrit, cum tamen pro amore meo aliquid libenter dicerem. Anne, te, ipsa tantum Concilia, Pontificum vitas, & Epistolas decretales hic congestisse, et huiusmodi tractatus, quasi proposito tuo, minus accommodos, ideoque supervacaneos non omisisse, fraudulenter, sed consulto preterisisse? O quam hoc vellem? verum hanc etiam mihi excusandi adsam tu ipse præripuisti qui multa huiusmodi, et aliqua in prioribus editionibus desiderata apposuisti.

Cum igitur mihi non sit ulterius, quod pro te respondeam, tuam queso in te causam suscipe, et spartam quam nactus es adorna, futurus iam patronus, ex cliente, ne dicam ex Reo: non dices spero, hoc tibi ab aliis iniunctum, à superioribus imperatum: Absit enim, ut superiores vestri, sint ipsis Iesuitis deteriores, qui ut vides, hac ipsa sublata noluerunt, et sublata doluerunt: Sin ita se res habeat, ut tales superiores, et religionis rerumque vestrarum inspectores habeatis, doleo certe vicem vestram, saltem tuam, in quo multarum virtutum scintillas emicantes, passimque refulgentes lubens agnosco.

Quod superest igitur mi *Seuerine*, morendus es, ut des gloriam Deo, et manus veritati, et si hoc tua culpa, sine errore factum fuerit, aperte et candide fateare: Sin aliorum supercilioso mandato hæc à te omissa, aut manu maleuola et iniqua ablata, te nescio aut inuito: illorum nominibus ne parcas, qui famam tuam tantopere periclitati sunt, ut iustæ reprehensioni subiaceant illi, qui te iniustæ columnæ, odio, et indignationi crudeliter exposuerunt; vel quo placidius res transigatur, existimationi simul tuæ ac ipsi veritati consule. De causa hac, de consilio tuo prorsus sileas, nil aliud agas nisi ut tacite ac sine strepitu vlllo reponantur

nantur in locum suum ea quæ iam nescio cuius furtiua nam surrepta abesse conquerimur. Hoc (si me audies consultorem tuum, haud precio conductum, sed ex charitate oblatum) præstabis tu quidem in subsequenti editione castigatiore: in qua non dubito quin emersurus sit integer, sub tam ingeniosi ac ingenui *Pigmalionis* manu, *Pelops*, humero nuper detruncatus. Nemo tum te amplius poscet repetundarum. Imo ipse astipulabor, ac profitebor hanc mutilationem patratam manu non *Seuerini Binnij*, sed vel *Seueri* nimis inspectoris, vel blenni bardi-que Impressoris,

2. Alterum, in quo te admonitum & mihi satisfactum cupio, ut alterius, ita etiam altioris est naturæ, & maioris momenti, in quo ut veritas magis periclitatur, eo liberius pro veritate mihi tecum agendum est.

In secundo Tomo ponis Concilium illud venerandum, *Chalcedonense* & eidem notas subiungis, in quibus (utinam non sinceritas) diligentia certe non desideratur.

1. Primo de *Chalced.* Concilio dicis in notis tuis, *Illud ad instantiam Imperatoris, sed auctoritate Romani Pontificis indictum*: quod miror quomodo à te viro docto, & circumspecto, & veritatis studioso, posset excidere, cum cuius in Conciliorum historiis, vel mediocriter versato, facile occurrat prorsus contrarium. Ad instantiam (nempe) Leonis at *Imperatoris* auctoritate indictum fuisse.

Testis est *Euagrius*. testis *Nicephorus*, & quis non veterum historicorum, qui de illo scripserunt? Testes Pontificiorum scriptorum, aliquot non ignobiles: Testis (in hoc casu exceptione maior) ipse *Leo* Papa, qui in Epistolis non paucis, illud ab Imperatoribus, precibus, gemitibus lachrimis petiit flagitavit & tandem impetravit. Testes multi Episcopi, qui cum eo, idem ab Imperatoribus humilimè petierunt: Si *Lenois* fuit Concilium indicare dicas *Binni*, cur precibus petiit, & lachrimis ab Imperatore supplicauit, ut indiceret? Respondeas pro humanitate tua ad cuius instantiam conuocatur Synodus, eiusne qui illud precibus, suspiriis, lachrimis, ab alio flagitat, an eius, à quo illud humilime rogatum, tandemque impetratum est?

Testis denique idem *Leo*, qui ad *Martianum* Imperatorem disertis fatetur verbis, *Synodum hanc à nobis etiam petitam, &c.* Quod non obscure etiam innuit, in Epistola ad patres *Chalcedonenses*: Audi quæso *Leonem* vestrum, *petitam*, non *indictam*, à se fatetur Synodum illum: nec fatetur solum *Leo*, sui ipsius petitionem, sed Imperatoris auctoritatem qui disertis verbis, nisi illum mauelis æquiocatione lussisse conuocatum aut congregatum, dicit illud Concilium, *ex præcepto Imperatoris*,

Euag. l. 2. c. 1,
2, 3.
Niceph. l. 15.
c. 2, 3, 4.
Leo. Ep. 9. ad
Theodof. & 23.
ad eundem: &
24. ad pulcher.
& 33. ad eand.
& 41. ad Mar-
tian. & 45. ad
ipsam Synodum
& alibi possim

Leo. ep. 59. ad
Patres Calced.

audis mi Binni, & ex consensu suo: Ex consensu Papa? quis hoc ei negavit aut vnquam negabit?

Hinc facile emergit responsio ad tuas rationes: quarum prima sumitur ex Epistola, Imperatorum ad Leonem, vbi hæc habentur: *Te Authore, &c.* recte, hoc est, te primo motore & suafore, quod reuera, proprium munus est Episcoporum. At dicis secundo, iussu & autoritate Papæ, hoc Concilium indictum, verbis apertis profitentur, Episcopis secundæ Mesiæ dicentes, in *Calcedonenſi* ciuitate Episcopi conuenerunt per iussione[m] Leonis: At cur famam fidemque tuam prostituas, cur ita hic periclitaris, mi *Seuerine*? falleris, aut fallere intendis: non ita dicunt, sed per iussione[m] Leonis & *Anatolij*, quod tu (dolens dico) minus candide subticuisti: Iussit ergo & indixit, hoc Concilium *Leo*, at quo modo, & qua autoritate? Eisdem nimirum, quibus & *Anatolius*: facile concedimus. Vbi iam aperta tua verba, quibus hoc probatur? Ad *Gelatii* testimonium, quod tertio profers, habeo quod respondeam: At huic labori parcam, cum ipse Papa in causa propria, testis sit minus idoneus: verum si tu vrges *Gelasium* in illa, non in-suspecta Epistola, ego oppono *Leonem* in illa sua in-dubitata, vbi apertis verbis profitetur, ex precepto Imperatoris & consensu suo indictum esse: Respondeat *Gelasius* *Leoni* & nos illi respondebimus. Verum si & *Gelasius* & *Leones* centum hoc plenis buccis proclamarent: Illis omnibus eorumque rugitibus, ego vnum tantum oppono testimonium, cui alia omnia cedant necesse est, quod & per se sufficeret si omnia alia deessent: Acta nimirum, & Gesta ipsius Concilii, edita per virum integerimum, omni exceptione maiorem, dominum *Seuerinum Binnium*, amicum meum non vulgarem: In eius ipsius editione huius Concilii, cum sint quindecim, aut sexdecim actiones, in earum vnaquaque habemus hæc, aut huiusmodi verba: Sanctum & vniuersale Concilium, quod in *Calcedonenſi* ciuitate, ex decreto, per iussione[m], ex sanctione, secundum præcepta, diuina sanctione, per sacras literas, per sacram sanctionem pijsſimi Imperatoris congregatum & collectum, &c. At de iussione, præcepto seu sanctione Papa altum silentium.

Hæc cinæ vera vel Te ipso teste? & tamen dices ad instantiam Imperatoris at Papa autoritate collectum hoc Concilium? Dicant si velint Parasiti & assentatores Pontificii, famæ & animarum suarum prodigi, dicant ferrei oris & plumbei cordis homines qui quiduis dicere audent: at *Seuerinus Binnius* non dicet, scio: quod si quid tale vnquam illi ex improviso excideret, auguror, polliceor, spondeo imitabitur sanctum *Augustinum* ac retractare, non detractabit.

Deinde in iisdem Notis Imperatoris dicis primæ actioni interfuisse in

Anatolius tunc
temporis Ar-
chiepiscopus
Constantinop.

in propria persona & per Iudices seculares posterioribus omnibus. Hæc tu : verum cum hæc apertissima veritati repugnent, hinc coniiciunt nostri (dabis veniam spero) te nimis oscitanter & perfunctorie omnia egisse, in hac tanta re, Conciliorum nempe omnium editione, cum hæc non dubites effutire, in quibus vel Tyro aliquis in Theologica historia, te à veritate deuiantem vel digito monstrare possit: Quis enim adeo in antiquis sanctis Conciliis peregrinus qui nesciat Imperatorem, nec per se, nec per Iudices suos seculares tertiæ actioni interfuisse? et in propria sua persona non primæ tantum, sed et sextæ etiam, aut vt alii

Niceph. lib. 15.
c. 4.

volunt septimæ et si *Nicephoro* credatur aliis etiam interfuisse, et multa verba, vere Christiano Imperatore digna ad sanctum Concilium habuisse. Adde quod et tu ipse postea in compendio septimæ actionis, aperte et disertis verbis, idem affirmas, illum nimirum affuisse, et multa locutum. Hæc si omnia tua sint, quam tu tibi non constas? quam tua non consonent veritati? Ista licet magni non sint momenti, cum tamen aut ignorantiam nimis crassam, aut negligentiam nimis supinam redoleant, ansam præbent nostris de te tuisque laboribus male suspicandi, et quod peius est, de animo et intentione, qua hoc opus aggressus sis.

Verum illud quod me pessime habet et maxime torquet, habetur in tertia annotatione tua, vbi nihil fere est, quod non sit vitiosum: nimirum vel aperte falsum, vel quod falso nititur fundamento: Primo ostensus, hoc Concilium esse generale, hoc probas duplici ratione: 1. *Quia Papa auctoritate conuocatum erat.* 2. *Quia in eo Papa per legatos præsidebat:* quam hæc futilia? quis enim ex vestrīs nedom è nostris, hisce rationibus, ad aliquod Concilium oecumenicum probandum usus est, nisi etiam et tertiam adiunxisset, congregationem nimirum, Episcoporum totius orbis Christiani? *Generalia dicuntur*, inquit *Bellarminus*, *ea, quibus interesse tenentur Episcopi totius orbis:* Sin vero rationes tuæ sufficerent, consequetur certe, Italiæ Episcopos, à Papa conuocatos, si ipse Papa præsideat, generale Concilium constituere, quod si absurdum ducendum sit, necesse est vt rationes tuæ claudicent, imo in fumum abeant.

Bellar. de Concil. l. c. 4.

Deinde ais, *Legatos Papa Synodo præfuisse, singula fere actiones testantur:* probas, quia ipsi primi nominantur, loquuntur, sedent, subscribunt. At nimis hæc puerilia et grauitatem tuam parum decentia: quid enim est primum sedere, loqui, subscribere, nisi primum tenere locum? Et primum locum in Conciliis, et concessibus Episcoporum, quis vnquam Romano pontifico denegauit? hoc autem excepto, singulæ actiones nihil aliud testantur de præsentia: Quæ certe, nisi semel,

non

non nominatur, tunc autem hoc modo, *praesidentibus iisdem Iudicibus & sancta Synodo*, non ait legatis Romanis: fateor Legatos Romanes, praesidentiam sibi arrogasse et attribuisse, at ore proprio, verum à Concilio, à Iudicibus, et ab Episcopis, ne tantillum eis ascribitur, nisi primus locus, nec illud ubique: Interdum enim Iudices praeposunt Archiepiscopum Constantinopolitanum: De Romanorum ergo Legatorum praesidentia testantur ipsi, in causa sua patroni, *Actiones Concilij non testantur*.

At vrges, et in hoc mirifice tibi places, Ipsi Legati sententiam, in *Dioscorum* pronuntiant, et verba (inquis) sententiae in actione tertia haec sunt: *Sanctissimus ac beatissimus Papa, Caput vniuersalis Ecclesiae Leo per nos Legatos suos, sancta Synodo consentiente, &c.* Certe mihi Bini miror, stupesco, et doleo, hoc tibi excidisse: hoc enim si verum sit, ego sancte polliceor, me, in castra vestra transiturum, modo tu si verum non sit, papismum, hac saltem in re, deserere velis: Legatur igitur tota actio tertia, et sententia in *Dioscorum*, et inspiciatur, *Crabbiana Suriana, Nicolina*, imo vel *Binniana* editio, et in his omnibus, sine vnius verbuli differentia, moriar, si non ita se habeat sententia, *Sanctissimus & beatissimus, Archiepiscopus, magna & senioris Roma, Leo, per nos, & per praesentem sanctam Synodum, &c.* Hic igitur excipio.

Primo sententiam à te non recte prolatam, sed vel *malitia*, vel quod potius credam *imprudencia*, interpolata multa, quae in sententia non habentur: ut illa nimirum, *Caput vniuersalis Ecclesiae Leo*, in quibus, ipse cardo controuersiae vertitur: Si enim illud verum sit *Leonem* Papam, in hac sententia, quae reuera erat totius Concilii sententia. *Caput vniuersalis Ecclesiae* appellatum, tum certe non inficiabor dignum cum esse qui Concilio illi, & toti Ecclesiae praesideat, qui *Caput* nimirum sit *vniuersalis Ecclesiae*; Si vero nihil tale, in tota sententia, imo nec in toto Concilio reperiatur, sed tantum *Archiepiscopus magna & senioris Roma* appellatur, (quod nos facile ei concedimus) tum quod tu, tuque, vobis tantopere placeatis, in hoc testimonio non equidem inuideo, miror magis, qua fronte, quo ve animo hoc ausus sis affirmare: Perscrutare, omnes Conciliorum editiones, imo tuam, & profer si possis, locum, vel vnum, ubi in tota illa sententia, vel ab vno Episcopo, nedum à toto Concilio, *Papa* illo nomine, *Caput vniuersalis Ecclesiae* insignitur: Certe mihi Bini, Papismum & Primatum, huiusmodi niti fundamentis, nec inuideo, nec miror, habeant secum, seruentque sepulchro: At te virum doctum, prudentem, & ut spero, veritatis studiosum, in re tanta ludere, & tam aperte falsa, fidem tuam deponere, video, at non

Niceph. lib. 15.
c. 4.

in propria persona & per Iudices seculares posterioribus omnibus. Hæc tu: verum cum hæc apertissima veritati repugnent, hinc coniciunt nostri (dabis veniam spero) te nimis oscitanter & perfunctorie omnia egisse, in hac tanta re, Conciliorum nempe omnium editione, cum hæc non dubites effutire, in quibus vel Tyro aliquis in Theologica historia, te à veritate deviantem vel digito monstrare possit: Quis enim adeo in antiquis sanctis Conciliis peregrinus qui nesciat Imperatorem, nec per se, nec per Iudices suos seculares tertiæ actioni interfuisse? et in propria sua persona non primæ tantum, sed et sextæ etiam, aut ut alii volunt septimæ et si *Nicephoro* credatur aliis etiam interfuisse, et multa verba, vere Christiano Imperatore digna ad sanctum Concilium habuisse. Adde quoque et tu ipse postea in compendio septimæ actionis, aperte et disertis verbis, idem affirmas, illum nimirum affuisse, et multa locutum. Hæc si omnia tua sint, quam tu tibi non constas? quam tua non consonent veritati? Ista licet magni non sint momenti, cum tamen aut ignorantiam nimis crassam, aut negligentiam nimis supinam redoleant, ansam præbent nostris de te tuisque laboribus male suspicandi, et quod peius est, de animo et intentione, qua hoc opus gressus sis.

Bellar. de Conc.
c. 4.

Verum illud quod me pessime habet et maxime torquet, hæc tertia annotatione tua, ubi nihil fere est, quod non sit vitiosum vel aperte falsum, vel quod falso nititur fundamento: Primum, hoc Concilium esse generale, hoc probas duplici ratione. *1. Quia Papa auctoritate convocatum erat. 2. Quia in eo Papa præsidebat*: quam hæc futilia? quis enim ex vestris nedum è hisce rationibus, ad aliquod Concilium oecumenicum probandum usus est, nisi etiam et tertiam adiunxisset, congregationem nimirum, Episcoporum totius orbis Christiani? *Generalia dicuntur*, inquit *Bellarminus*, *ea, quibus interesse tenentur Episcopi totius orbis*: Sin vero rationes tuæ sufficerent, consequetur certe, Italiæ Episcopos, à Papa convocatos, si ipse Papa præsideat, generale Concilium constituere, quod si absurdum ducendum sit, necesse est ut rationes tuæ claudicent, imò in fumum abeant.

Deinde ais, *Legatos Papa Synodo præfuisse, singula fere actiones testantur*: probas, quia ipsi primi nominantur, loquuntur, sedent, subscribunt. At nimis hæc puerilia et gravitatem tuam parum decentia: quid enim est primum sedere, loqui, subscribere, nisi primum tenere locum? Et primum locum in Conciliis, et concessibus Episcoporum, quis unquam Romano pontifico denegavit? hoc autem excepto, singulæ actiones nihil aliud testantur de præsidentia: Quæ certe, nisi semel, non

non nominatur, tunc autem hoc modo, *praesidentibus iisdem Iudicibus & sancta Synodo*, non ait legatis Romanis: fateor Legatos Romanes, praesidentiam sibi arrogasse et attribuisse, at ore proprio, verum à Concilio, à Iudicibus, et ab Episcopis, ne tantillum eis ascribitur, nisi primus locus, nec illud ubique: Interdum enim Iudices praepōnunt Archiepiscopum Constantinopolitanum: De Romanorum ergo Legatorum praesidentia testantur ipsi, in causa sua patroni, *Actiones Concilij non testantur.*

At vrges, et in hoc mirifice tibi places, Ipse Legati sententiam, in *Dioscorum* pronuntiant, et verba (inquis) sententiae in actione tertia haec sunt: *Sanctissimus ac beatissimus Papa, Caput vniuersalis Ecclesiae Leo per nos Legatos suos, sancta Synodo consentiente, &c.* Certe mi *Binni* miror, stupefeco, et doleo, hoc tibi excidisse: hoc enim si verum sit, ego sancte polliceor, me, in castra vestra transiturum, modo tu si verum non sit, papismum, hac saltem in re, deserere velis: Legatur igitur tota actio tertia, et sententia in *Dioscorum*, et inspiciatur, *Crabbiana Suriana, Nicolina*, imo vel *Binniana* editio, et in his omnibus, sine vnus verbi differentia, moriar, si non ita se habeat sententia, *Sanctissimus & beatissimus, Archiepiscopus, magna & senioris Roma, Leo, per nos, & per sanctam Synodum, &c.* Hic igitur excipio.

sententiam à te non recte prolatam, sed vel malitia, vel quodam imprudentia, interpolata multa; quae in sententia non est: vt illa nimirum, *Caput vniuersalis Ecclesiae Leo*, in quibus, modo controuersia vertitur: Si enim illud verum sit *Leonè* Papam, haec sententia, quae reuera erat totius Concilij sententia. *Caput vniuersalis Ecclesiae* appellatum, tum certe non inficiabor dignum cum esse qui Concilio illi, & toti Ecclesiae praesideat, qui *Caput* nimirum sit *vniuersalis Ecclesiae*; Si vero nihil tale, in tota sententia, imo nec in toto Concilio reperiatur, sed tantum *Archiepiscopus magna & senioris Roma* appellatur, (quod nos facile ei concedimus) tum quod tu, tuique, vobis tantopere placeatis, in hoc testimonio non equidem inuideo, miror magis, qua fronte, quo ve animo hoc ausus sis affirmare: Perscrutare, omnes Conciliorum editiones, imo tuam, & profer si possis, locum, vel vnum, vbi in tota illa sententia, vel ab vno Episcopo, nedum à toto Concilio, Papa illo nomine, *Caput vniuersalis Ecclesiae* insignitur: Certe mi *Binni*, Papismum & Primatum, huiusmodi niti fundamentis, nec inuideo, nec miror, habeant secum, seruentque sepulchro: At te virum doctum, prudentem, & vt spero, veritatis studiosum, in re tanta ludere, & tam aperte falsa, fidem tuam deponere, video, at non rideo,

rideo, sed plane doleo, et vt quod verum est fatear, non habeo, lubens velim, quo te excusem: Tuum igitur est, fidem tuam liberare.

Dicerem pro te libenter, Concilium in Epistola ad *Leonem*, sic scribere: *Quibus tu (sicut membris caput præeras, &c: Et Alexandrinos aliquot, à Dioscoro oppressos libellos suos supplices, (quos ad Concilium porrexere) sic inscripsisse, Uniuersali Patriarchæ Leoni, &c. At hoc nihil est, nam primo multiplex & facilis est responsio ad vtrumque, vt (si tibi placuerit) imposterum demonstrabo: Deinde, si detur hæc vera esse, & exceptione maiora, te tamen non iuuabunt in hac causa: qui non ex libellis illis, non ex Epistola illa, sed ex ipsius Consilij generalis sententia definitiua ista producis: Verba (inquis) sententia hæc sunt: Et non hic quæritur, quid miseri aliquot Alexandrini aut Concilij scriba, sed quid ipsum vniuersale Concilium, in sententia definitiua de Papa Romano locutum sit: Non est igitur, vt ista nobis obtrudas: Licet enim vera essent tamen quid hæc ad Rhombum.*

Multoq; minus causam tuam promouebit, si ad fragmentum illud Epistolæ (*Paschasini* Papæ legati) in fine Concilij à te positum confugas: vbi licet ista verba habeantur, prout à te citata sunt, nihil tamen te iuuabunt: nam 1. non est Epistola sed fragmentum: deinde priuata Epistola, ad priuatum vel nescis quem: 3. nullius est autoritatis, quia A. & is & monumentis Concilij (vel te Iudice) repugnat: sententia enim Concilij in Actione tertia posita nihil tale habet; denique nullius est momenti, quid Papæ serui legati & creaturæ, de domino suo Papa, tumentibus verbis effutiant: Si illi Papam pro mundi domino, pro capite Ecclesiæ, habeant & decantent minime miramur, & minimo minus curamus: & si tu hoc tantum dixisses, hæc vel huiusmodi sesquipedalia verba, de Papa per eius legatos fuisse prolata, quis miraretur? verum hæc non est quæstio, quid famuli de domino suo dixerint, sed quid Concilium *Calced.* in sententia, sua definitiua:

Porro si hæc sit *Paschasini*, & legatorum Epistola: dispiciat & iudicet orbis Christianus, quam nullam mereatur fidem (vt nequid acerbius dicam) Papæ legati, quippe qui in literis suis referre audeant, acta fuisse in Concilio, quæ non fuerunt: Et qualis sit iste *Paschasinus*, qui cum ipse (mandante consentiente & decernente Concilio) ore proprio, sententiam in hæc verba pronunciasset: *Archiepiscopus senioris Romæ Leo*: ausus sit tamen postea per literas ita referre, ac si dixisset, *Caput vniuersali Ecclesiæ Leo*: Quæ hæc impudentia? quæ audacia? Ita in Concilio dicere non est ausus (licet multa auderet) ita tamen se dixisse, ausus est scribere? nouerat scilicet, Epistolam non erubescere: & *Dicitur*

9
re qua puduit, scribere iussit amor, amor nimirum ille fordidus quo Papa-
les assentatores, ad Priuatum eius, vijs & modis, omnibus stabiliendum
excitantur: *Summa*: Aut hæc Epistola *Paschasini* est, aut non: si dicis
esse: squitur illum vel non ita dixisse in Concilio, vt tertia actio testa-
tur: vel illum non ita scripsisse, vt ista habet Epistola: vel dixisse &
scripsisse, plane repugnantia (quod probum, piumq; virum minime de-
cet): Nam Papam esse *Archiepiscopum* senioris Romæ facile concedi-
mus: *Caput esse vniuersalis Ecclesie* constantur negamus: Si dicis non
esse, licet eius nomen gerat: tum ab aliquo *Seiolo* confictum & assu-
tum fragmentum illud, necesse est fateare.

Eoq; magis tibi condoleo (mi *Senerine*,) quod neminem fere scrip-
torum Pontificiorum, in hac causa, à tuis partibus stare video: Si enim
esset communis causa, si vestri homines, sententiam hanc in his verbis
allegassent, eo melius, odium & inuidiam declinasses & eo facilius esset
tua defensio: saltem leuior esset lapsus tuus, vbi ante te tam multi im-
pegissent: verum cum hoc Concilium, augustum & venerandum, à
vestris fere omnibus, vbiq; afferatur: vix tamen (vt conijcio) tres ali-
cuius autoritatis (*Bellarmino* excepto) adducere possis, qui sententiam
Concilij sub tuis verbis citant: Hanc tractant causam, de Primatu Pa-
pæ, & hoc Concilium etiam, pro primatu producant, *Caietanus*, *Contra-*
renus, *Polus*, *Roffensis*, *Baronius* Cardinales: *Pighius*, *Latomus*, *Coccius*,
Alphansus à Castro, *Agricola*: *Mel. Canus*: Papistæ omnes meliores no-
tæ: *Costerus*, *Canisius*, *Gregorius de Valentia* Iesuitæ, nec tamen illorum
vnus, hoc vlusest testimonio: multa certe adducunt, et detorquent,
ex hoc Concilio ad Primatum confirmandum, quæ parum valeant, et
ad quæ facilis est responsio: verum si Concilium in sententia sua pub-
lica, Papam, *Caput vniuersalis Ecclesie*, agnouisset (quod tu affirmas) hoc
esset omni exceptione maius, & nullam certe posset admittere respon-
sionem: & tam pulchrum validumque testimanium hi acerrimi prima-
tus propugnatores nunquam omisissent: At necessario omittendum
erat, quod plane non erat, in rerum natura: In sententia enim publica,
in actione tertia, non *Caput vniuersalis Ecclesie*, sed *Archiepiscopus* se-
nioris Romæ appellatur: Norunt tamen & illi hoc fragmentum vbi
illa verba, *Caput vniuersalis Ecclesie*, fraudulenter sunt inserta, sed cum
illud nullius esse autoritatis, perspicerent, mallent illo carere testi-
monio, quam fidem suam tanto periculo subiacere: Imo *Baronius*
ipse licet omnium, (quotquot vnquam fuerunt) impudentissimus
assentator Pontificius, hoc tamen nunquam ausus est asserere: Sed
contra, ipse & *Canisius* Iesuita, & *Canus* & *Coccius*, cum sententiam
huius

huius Concilij in medium afferant, hoc modo tam citant, quo nos, & ut in actis Concilij habetur,

*Sanctissimus & beatissimus Archiepiscopus magna & senioris
Roma Leg., &c.*

Bellar. de
Con. l. 1. c. 19.
& l. 2. c. 17.

Quod certè nequiquam fecissent, si hoc fragmentum, aliqua fide dignum censuissent: Quorum ut ingenuitas & modestia, hac in re laudanda, sic *Bellarmini* impudentia, qui primus, & ante te solus, in hunc scopulum impingit, & non semel sed sæpius hanc sententiam, ad Papæ Primatum astruendum producit, prout in illo mendacissimo fragmento habetur, omnem certè excedit admirationem: sed vapulabitni fallor, illo nomine, & tam apertæ falsitatis, dignas quam cito pœnas luet: non enim hoc commentum, ex illo fragmento citat, in quo fortassis potuisset excusari, sed ex Concilij actione tertia, impudens, & effrons, Iesuita: quod si omnino falsum non sit, polliceor me, Papistarum: ut igitur, ad te reuertar, doleo equidem *Senarium Binnium* malle cum vno *Bellarmino* errare, quam cum toto orbe Christiano rectè sentire: tu qui posterior fuisti in culpa, sis quæso prior in penitentiâ. & qui tibi exemplum errandi præbuit, à te in rectam viam reuertendi, exemplum sumat.

Si dicas te, per aliquos veterum historicorum deceptum: Certè non noui vnum, tibi in hac causa suffragantem. *Paulus Diaconus* ne verbum quidem habet de hac sententia, & de toto Concilio admodum pauca: *Nicephorus* multa de Concilio, de hac sententia nihil: *Historia tripartita Sozomenus, Socrates, Theodoretus*, ad ea tempora non attingunt, ne dum *Ruffinus* aut *Eusebius*: solus *Euagrius* quod sciam, de huius Concilij gestis fusius tractat: ille autem sententiam definitiuam eisdem verbis habet, quibus in Conciliorum gestis inuenitur, non autem ut in vitioso illo fragmento deprauatur. Sin vero vel decem historicos possis proferre, quæ sententiam sic deprauatam haberent, ne hilum quidem proficeres: tuipse enim hanc excusandi viam, præclufisti, cum nec hunc nec illum, nec aliquem scriptorem, sed nominatim *Actionem Concilij tertiam*, pro hac sententia allegaueris.

Summa igitur est, si in actione tertia, talis sit sententia Concilij, ubi nimirum Papa, *Caput vniuersalis Ecclesia* appellatur, hoc inquā si possis ostendere, liberasti fidē tuā: hoc si tu nec quis alius poterit ostendere, prodidisti causam, perdidisti fidem tuam, vel potius rectè & prudenter egisti qui causam malā, malis artibus fallacijs, et fictionibus astruxisti. His autem similibusque technis vtuntur quotidie vestri, imo & *Bellarminus* & *Baronius* antesignani vestri ad Papismi doctrinam, papatusq; Primatum suffulciendum: Dignum sane *Patella* operculum: Te vero

quod

quod attinet (*mi Binni*) pro humanitate, & fraterna charitate, aliquo te potius errore lapsum, quam malitia excæcatum, & cæcos potius sequendo duces in foueam incidisse, quam retia hæc ad imperitos seu incautos lectores decipiendos, reluctantæ conscientia posuisse: Fallor an non, in hac mea de te opinione, satis ut opinor ex tua responsione constabit, quam pro tua humanitate, & in veritatem amore, dabis veniam, ut à te expectem, licet fortassis alijs serijsque cogitationibus occupato: non enim ut horas aliquot superuacuas infumamus, quas fortassis nullas habemus, nec ingenij exercendi, aut animi dotes, siquæ essent ostentandi gratia, hoc onus scribendi à me susceptum est: sed ad Christianæ charitatis officium exhibendum & ad veritatem (ipsa vita nostra chariorem) melius indagandam: ne igitur læuâ manu accipias quod dexterâ tibi porrigo: Cur autem candidum responsum non sperem, cum scribam Christianus ad Christianum: Theologus ad Theologum: & Licentiatus ad Licentiatum? At dicet aliquis Iunior ad Seniore: fortassis: At quid ni? Cum hoc aggressus sim, non ut contradicam sed ut consulam, non ut imperem, sed ut admoneam, non ut doceam, sed ut discam: Et ubicunque errare, aut hallucinari contigerit, ut ego per te meliora docentem, tu per te ipsum rectius informatum, utrique per sanctum spiritum cœlitus inspirantem instruamur. Ipse spiritus sanctus pacis & charitatis Deus & dator, nos à falsitate, & errore, aut protegat aut reducat, in veritate, & bonitate confirmet ad nominis sui gloriam nostramque salutem in Christo Iesu, Amen. *Londini, Anno 1611.*

Tibi in Christo addictissimus

GVLIEL. CRASHAUIVS

Orandus es, *mi Binni*, ne pro responsione me ad *Bellarminum*, & *Baronium* releges: ita enim legens conicere possis, me in illorum scriptis aliququaliter versatum: verum non satisfaciunt, alias enim, huic labori meo, & molestiæ tuæ supersedissem.

S. T. Alumnus, & verbi diuini apud Templarios Londini dispensator indignus, manu propria.

FINIS.